



客家語現代詩 學生組

評 審 感 言

張芳慈

總講，先同這兜用客語寫詩个學生講：「你等做到了，還慶！」繼續打拚落去，俾等係希望寫出過較多个作品。

作品底肚正經係後浪推前浪，新个事物愛轉化作為客語思考同書寫，這絕對需要勇氣同練習个。〈親情个網路線〉盡生趣將家園輒輒看到个瓜類菜果想作親情網絡，客語个形容也用得合當，瓜瓞綿延个意思不明講也共款分人恓想。〈喊醒童年夢〉係一首有反省个作品，透過同阿嬤拜伯公个童年回憶，親情同單純个生活趣味係科技無法度代表个。毋過在寫作意象个把握使得過較準兜。〈落雨天〉這首詩情思異深刻，透過雨描寫思念阿姆个意象，在尾段雨同淚無法度清楚分開有餘韻，但係跳接忒遽，詩氣毋順。

論內容或者技巧形式，學生組有這樣个表現係可貴个，毋過俚也知道你等係毋會就停在這位个，進階版一定分人看到新客語詩个境界。